

Txirritola

ARAMAIO / Barikua / 2003ko ekainaren 20a / 69. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Aho batez eta zenbait herritarren protesta artean izendatu zuten Mertxe Mondragon

UBANE MADERA

Ezusteko barik, baina oso giro desatseginean izendatu zuten Mertxe Mondragon datozen lau urteotarako alkate. Aho batez eta eskua jasozko botazioarekin aukeratu zuten alkate berria. Aretoan batu ziren zenbait herritar, berriz, protestaka ibili ziren.

Zailtasunekin hasi zuten osoko bilkura. Txotxa sartu zuten udaltxeko atearen sarrailan, eta ezin izan zuten hura zabaldu. Hala, esku-eskailera hartu, balkoi batera igo, eta leihoaren kristala apurtuta sartu ziren barrura. Azkenean zabaldu zuten atea eta plazan zegoen jende guztia bilkuren aretora igo zen. Izan ere, eta nahiz eta 09:00ak izan, jende dezente elkartu zen batzarrean parte hartzeko, gehienak, Hamalau plataformaren ingurukoak.

Hain justu ere, batzarra hasi baino lehen, plataformako hiru kide udalbatzarraren mahaian eseri ziren; euren esanetan, herritarrek euren emandako 300 botoei dagozkien hiru lekuetan.

Hala, legeak agindutakoari jarraituz, zinegotzi zaharrenak eta



Hamalau plataformako kideak euren ustez euren dagozkien lekuetan eseri ziren.

gazteenak eratu zuten Adin-Mahaia, eta banan-banan gainerakoei galdetu zieten ea zinegotzi karguaren zina egiten ote zuten, "euren ohoreagatik, eta Konstitu-

zioa eta Erregea errespetatuz". Zina egin zuten guztiek, baina Konstituzioari eta Erregeari uko eginda. Gero, Mertxe Mondragon alkate aukeratu zuten, aho batez.

Hori bai, hori guztiori tentsio giroan gertatu zen; izan ere, aretoan zeuden zenbait herritarrek euren ustez Hamalau plataformari dagozkion karguak hutsik uztea

Gestora eratzeko eta berba egiteko eskaera eta EAJ-EAkoen kontrako irainak entzun ziren

eskatu zieten EAJ-EAko zinegotziei; baita udalbatza antolatu beharrean, gestora antolatzea ere. Berba egiteko eskaera etengabe entzun zen, baita koalizioako kideak lapurrak zirela eta antzerakoak ere.

Eta eztabaidak eta zenbait herritarren eta zinegotzien arteko deiadarrek batzarra bukatu ostean segitu zuten, kalean.

Mertxe Mondragon alkateak adierazi zuen gestora eratzeko eta antzerako eskaeretan ez direla sartuko. Helburua Udala eratzea zela; hori egin dutela, eta orain batzordeak eratuko dituztela, horien bitartez lan egiteko.

Amaia Aspek, berriz, esan zuen tristea zela gestora eratu nahi ez izatea, Aramaion posible delako halako zerbait egitea. Eta, aurrera begira, lana uzteko asmorik ez dutela gaineratu zuen.

HERRITARREN HITZA / Rosa Mondragon • Kazetaria

Opor usaina

Azken asteari gainbegiratu egiten badiogu, badira bati eta besteari burukomina eragin dion gai ugari. Besteak beste, pasa den zapatuko udal eraketa eta toki askotan gertatutakoak, domekan Realak jokatu eta galdutako partidua, gazteek egin duten selektibitatea eta emaitzak... Eta burukominez gabiltzanez, ezin ahaztu azkenaldian jasaten gabiltzan hotz-bero altuek eragindakoak.

Alabaina, eskuetan duzun *Goienkaria* berezia da eta opor usaina dakarkigu gure artera, Arrasateko Sanjuanak iragartzen dizkigu. Jaiek, gainera, seme-alaben ikasturte amaiera iragartzen digute eta guraso

iraila bitarteko bi hilabete hauetan euren agenda antolatzeke arduratu geratzen zaigu. Gehienok abuztuan oporrak izango ditugunez, uztailean, lanean jarraituko dugun bitartean, seme-alabak non, zeinekin eta zertan izango diren antolatzek nahiko burukomina emango digu.

Ikasturtea bukatu berri dugun honetan, azterketa eta balantzea egiteko ordua ere heldu zaigu, ez gure seme-alabei



"Udalekueetan ederki asko pasatuko dute"

jakiten nola jokatu: merezitako oporrez gozatu dezaten nahi dugu, eta baita ikasturtean zehar ikasitako erreparatu eta

dagokiona bakarrik, baizik eta guri, guraso bezala, dagokiguna ere bai. Egia esan, klaseek dirauten bitartean guraso gehienok nahiko lasai bizitzen garela iruditzen zait; "beharbada gehiegi" pentsatuko du norbaitek. Baina orain, opor garaia heltzen denean, ez dugu

gogoratu ere. Baina nola? Liburutegietan badira adinaren arabeko ariketa liburuak, baina egokiak ote? Ikasturtean ikasitakoari egokitutako ariketak ote dira?

Kontu horiek alde batera utzita, oporrak disfrutatzeke eta gozatzeke diren heinean, uztailean, han-hemenka antolatzen diren udalekueetan ederki asko pasatuko dute txikienek; beste batzuk, ikasturtean zerbait aprobatu gabe utzi dutenek, klaseetan jarraituko dute, eta beste askok, beharbada atzerrira joan eta beste herrialde eta hizkuntza ezagutzeko aprobetxatuko dute.

LABUR

Iker Agirre Eskolarteko Txapelketan

Bihar, zapatua, Euskal Herriko Eskola Arteko XV. Bertsolari Txapelketa jokatu dute Mungia pilotalekuan. Maila bi egongo dira: txikiena eta handiena. Hala, handien mailan Iker Agirre aramaiarrak hartuko du parte. Ikerrek agurreko bertsoa egin beharko du eta gero, ofizioko saioa. Hor egindakoaren arabera 12 lagunetik sei aukeratuko dituzte (gutxiago badira, lau), eta horiek kartzelako lana eta bukaerako agurra egin beharko dituzte. Zorté on, Iker!

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Erzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	


GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: Izartxoan duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

GIZARTEA

Interneten ibiltzen ikasteko bidea, KZGunea, inauguratu dute kultura etxean

Zortzi ordenagailu eta Internet-rako konexioa. Horrez gainera, ordenagailuetan eta Interneten ibiltzeko ikastaroak. Hori guztiori eskaintzen du herrian inauguratu berri duten KZGuneak. Joan den egunean izan zen ekitaldia. Han egon ziren, besteak beste, Iñaki Nafarrate alkate ohia, Mertxe Mondragon alkate berria eta Eusko Jaurlaritzako ordezkari bat. Azken hark esandakoaren arabera, gaur egun Interneten ibiltzea sasoi baten irakurtzen eta idazten jakitea moduan da; Interneten ibiltzen ez dakiena atzean geratzen dela adierazi zuen, eta gainerakoek baino aukera gutxiago dituela. Horren harira, esan zuen KZGunea eta holako lekuak, batez ere, pertsona helduendako pentsatutakoak direla; izan ere, gazteek euren kabuz edo eskolen bitartez ikasten dute Internet erabiltzen. Hala, gaineratu zuen 20 orduko ikastaroarekin nahikoa izaten dela gutxieneko ezagutza lortzeko, eta gura duenak 10 orduko ikastaro errazagoa ere baduela eskura. Oraingoan, Eider Etxebarria izango da KZGuneako monitorea.



LABUR

Zuiako Koadrilako logotipoen erakusketa

Zuiako Koadrilak koadrilaren beraren logotipoa egiteko lehiaketa antolatu zuen orain dela gutxi. Bada, orain, gaur hasi eta domekara bitartean, lehiaketarako aurkeztu zituzten logotipoen erakusketa egingo dute. Eta, bestetan moduan, erakusketa Sastiñan izango da: hain zuzen ere, barikuan, 18:30etik 20:30era, eta zapatuan eta domekan, berriz, eguerdian eta iluntzean (18:30etik 19:30era) zabalduko dute.

Iker Agirre txapeldunorde eskola artekoan

Iker Agirre aramaiarra txapeldunorde izan zen Arabako VIII. Eskola Arteko Bertsolari Txapelketan. Gazteen mailan jokatu zuen Ikerrek, 14 eta 18 urte artekoekin. Ane Zelaia gasteiztarak irabazi zuen. Iker Agirrez gainera, Gillen Agirre, Idoia Beitia, Olatz Ezpeleta eta Txomin Elortza aramaiarrek ere hartu zuten parte lehiaketan.

**SAN JUAN JAIK
GERTU-GERTUTIK**

Ekainak 26, eguena
20:45ean eta 22:45ean

Ekainak 27, egubakoitza
15:00etan eta 16:30ean



Ikusiko duzu!

